

Полный сборник канонов и молитв святителю Николаю,  
архиепископу Мирликийскому

## Каноны Октоиха, восьми гласов

### Г л а с 5

*Начало канона см. 01 - Начало канонов.doc*

#### Песнь 1

*Ирмос:* Коня и всадника в море Чермное сокрушай брани мышцею высокою Христос истрясé, Израиля же спасé, победную песнь поюща.

*Припев:* Святителю отче Николае, моли Бога о нас<sup>1</sup>.

Вéрою и любóвию, óтче, присвóився Бóгови, всевятая Сего испóлнил еси хотéния, Имже по всему́ свят был еси́, святителю мýдре Николае.

Иму́ще ты предстáтеля к Щéдрому, иже напáстьми и печáльми одержими́и, к тебе́ прибега́ем: да́руй ру́ку спаса́ющую нас от вся́кия тесноты́.

Слава: Миряном святителя Христос помáза ты, благово́нием чудес нас облагоухáюща. Тёмже мо́лим ты, Николае, зловóния грехóвнаго избáвите нас.

И ныне, *Богородичен:* Дрéвле прорóческий Ты лик пронарече́ гóру Божéственную, Дéво, и дверь непроходиму́ю. Тёмже мо́лимся Ти: покая́ния двéри Божéственныя, Отрокови́це, отвéрзи нам.

Моли́ Бóга о нас, святителю óтче Николае, я́ко мы усéрдно к тебе́ прибега́ем, скóрому помóщнику и моли́твеннику о душа́х на́ших.

#### Песнь 3

*Ирмос:* Водрузи́вый на ничесóмже зéмлю повелéнием Твои́м и повéсивый неодо́ержимо тяготéющую на недви́жимем, Христé, ка́мени за́поведей Твои́х, Цéрковь Твою́ утверди́, еди́не Бла́же и Человеколю́бче.

Стрéлы лука́ваго притупи́л еси́, преподо́бне, противлéнием Божéственных твои́х трудóв. Но твои́ми моли́твами, премýдре, от того́ злоде́йствия и наси́лия соблюди́ невреждéнны тебе́ воспева́ющия, вели́кий Николае.

Житиé а́нгельское на земл́и показáв, ны́не со а́нгелы при́сно предстои́ши престóлу Трóическому, священне, на́ших согрешéний и напáстей разрешéния прося́, óтче первосвятителю Николае.

Слава: Ума́ моего́ омрачéние все отжени́, Николае, твои́ми светонóсными моли́твами, ути́ши бýрю страстéй, управи́ мя, óтче, к безстра́стия пристáнищу, молю́ся, я́ко да во хвалéнии сла́влю ты.

---

<sup>1</sup> Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

И ныне, *Богородичен*: Предстоящи одесную Христа, яко Царица, рясны златыми, Богообрадованная, одяна воистинну, нам Царствие Небесное молитвами Твоими, Отроковице, исходатай, Всенепорочная.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Господи, помилуй. (*Трижды.*)

*(Если по 6-й песни читается акафист, то перед седальными читаем кондак и икос.)*

#### Седален, глас 5

Премудраго иерарха восхвалим, яко тепла в бедах и в скорбех суща от Бога помощника и защитника, вси Николая, вернии, Богоноснаго благочестно: молятся бо ко Господу с верою творящих и поющих Божественную память его.

Слава, и ныне, *Богородичен*

Тя, пристанище, и стѣну, и прибежище, и надежду, и покров, и заступлѣние теплое обрѣтше вернии, к Тебѣ притекаем, и вопиѣм прилежно, и зовѣм верно: помилуй, Богородице, уповающих на Тя, и от прегрешений избави.

#### Песнь 4

*Ирмос*: Божественное Твое разумѣе истощание прозорливо, Аввакум, Христѣ, со трепетом вопиаше Тебѣ: во спасѣние людей Твоихъ спасти помазанныя Твоя пришелъ еси.

Мимотекущими изменил еси будущая, ихже причастники и нас святыми твоими молитвами сотвори, Николае, и искушения всякаго избавляя житѣйскаго.

Миряномъ первопрестольникъ быв, Николае, вся чувства сердца моего миромъ облагоухай, святе, и страсти злосмрадныя отъ сего молитвами твоими отгоняй всегда.

Слава: Сокруши вражия козни видимыя и невидимыя, Николае, всегда борющия ны наша враги в безконечную пагубу послѣ.

И ныне, *Богородичен*: Святаѣ Богородице, помози ми, сладостями вина потопляему телесными и на одре уныния присно слежашу и стѣнющу.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

#### Песнь 5

*Ирмос*: Одейся светомъ, яко ризою, к Тебѣ утреннюю и Тебѣ зову: душу мою просвети омраченную, Христѣ, яко единъ Благоутробен.

Кумиры сокрушил еси идольския, святе, и советы бездѣльны еретичествующихъ показал еси, Николае, и ведомыя на смерть избавил еси.

Утреневавъ ко Господу измлада, преподобне, и тамо сущими светолитии весь просветился еси. Темже молбюся: души моея облаки разжени.

Слава: Тебѣ молимъ, отче Николае, в час сей посреде буди всехъ призывающихъ тя и яже ко спасѣнию даруй намъ прошения.

И ныне, *Богородичен*: Непостижимый умомъ, Богоблагодатная, обдержание Тя,

плотнóсец быв, прїят человекї, избавляя от одержащих скорбей.

Моли́ Бóга о нас, святителю́ óтче Никóлае, я́ко мы усердно́ к тебе́ прибега́ем, ско́рому помо́щнику и моли́твеннику о душа́х на́ших.

## Песнь 6

*Ирмос:* Неистовствующеея бурею душеленною, Влады́ко Христé, страстéй мо́ре укроти́, и от тли возведи́ мя, я́ко Благоутрóбен.

Милостива соделай Влады́ку твоими моли́твами всем чту́щим тя, Никóлае, я́ко да на́ших прегрешéний разрешéние да́рует.

Недуг избáви и собла́зн житéйских, напáстей же и скорбей, Никóлае, ты моли́твенника ко Гóсподу стяжавших.

Слава: Врача́ ты изы́сна Влады́ка показá Христóс. Тэмже недуги́ исцели́, благочестно́ к тебе́ приступа́ющих, Никóлае.

И ныне, *Богородичен:* Родительница́ безмужная, Богомати́ была́ еси́, Чистая. Сего́ ра́ди веро́ю молю́ Тя: души́ моея́ уны́ния разжени́.

Моли́ Бóга о нас, святителю́ óтче Никóлае, я́ко мы усердно́ к тебе́ прибега́ем, ско́рому помо́щнику и моли́твеннику о душа́х на́ших.

Господи, помилуй. (*Трижды.*) Слава, и ныне.

## Кондак, глас 3

В Мирех, свя́те, священноде́йствитель показáлся еси́, Христóво бо, преподóбне, Ева́нгелие испóлнив, положи́л еси́ ду́шу твою́ о лю́дех твои́х и спасл еси́ непови́нныя от смéрти. Сего́ ра́ди освяти́лся еси́, я́ко вели́кий таи́нник Бóжия благода́ти.

## Икос

Воспойм ны́не святителя́ пéсньми, ми́рским лю́дем па́стыря и учите́ля, да моли́твами его́ просвети́мся: се бо яви́ся чист весь, нетленен ду́хом, Христóу принося́ жéртву непорóчну, чисту, Бóгу благоприятну, я́ко святитель, очищен и душе́ю и телом, тэмже сый истинно́ Цéркве предста́тель и побóрник сея́, я́ко вели́кий таи́нник Бóжия благода́ти.

*(Если читается акафист, то кондак и икос читаются по 3-й песни, перед седальнами.)*

## Песнь 7

*Ирмос:* Превозносимый отцев Господь пламень угаси́, óтроки ороси́, согласно́ пою́щия: Бóже, благословéн еси́.

Весь возложився́ Бóгу, Никóлае, всего́ мя спаси́, житéйскими страстьми́ окайно́ всегда́ впада́ющая, богому́дре.

Светило́ Богозáрнейшее ума́ моего́, озари́ страстéй мра́ком прїсно́ помрача́ема и давай́ благообразно́ ходи́ти в жити́и.

Слава: Вся́кая отверза́емая на мя, Никóлае, уста́ лука́вая, твоими моли́твами заградí и избáви мя ви́димых враг и неви́димых.

И ныне, *Богородичен:* Из Тебе́ нам возсия́ невечéрнее Со́лнце, óблаче́ всесветлы́й, Христóс Бог наш, просвещáя и́же во тьме невéдения, Богородице́.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

## Песнь 8

*Ирмос:* Тебé, Вседéтелю, в пещи́ óтроцы, всеми́рный лик сплétше, поя́ху: дела́ всякая, Гóспода по́йте и превозносите во вся вéки.

В Ми́рех первосвятитель б́ыв вели́кий души́ моея́, Никóлае, чу́вствия ми́ром облагоуха́й, я́ко да избе́гну страсте́й зловóния и Уте́шителеву прииму́ благода́ть.

Уста́вил еси́, премúдре, твоего́ свята́го языка́ струя́ми, струи́ Ариевы ху́льные. Те́мже вопию́ ти: то́ки страсте́й моих изсуши́ моли́твами твои́ми, Никóлае всеблаже́нне.

Иза́ви нас согрешéний моли́твами твои́ми, дéмонскаго озлоблéния, язы́ческаго пленéния и всех человек лука́внейшаго злáго вреда, да ты, я́ко изба́вителя на́шего, восхваля́ем.

Слава, *Трои́чен:* Иже Трóически единоначáлие непрестáнно véрою сла́вяще, возопи́м: Отче, и Сло́ве, и Всесвяты́й Ду́ше, песносло́вим Тя во вся вéки.

И ныне, *Богородичен:* В плоть нас ра́ди из Тебé Бог облекся, чи́стую Тебé, всенепорóчную, всему́ рóду на́шему Божéственную показá, Дéво, предста́тельницу. Те́мже Тя вéрнии велегласно воспевáем.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

## Песнь 9

*Ирмос:* Иса́ие, ликуй, Дéва имé во чрэве, и роди́ Сы́на Емману́ила, Бóга же и Челове́ка, Востóк и́мя Емý: Егóже велича́юще, Дéву ублажа́ем.

Святитель Божéствен б́ыв, вся за́поведи сохрани́л еси́ Христовы, те́мже вéрным хранитель Божéственный был еси́, óтче Никóлае, соблюда́й тех от всяких напáстей и озлоблéния.

Якоже иногда́ препита́л еси́ град твой, изнемога́ющ гла́дом, я́ко добр па́стырь, преподóбне, та́кожде и ны́не препита́й ду́шу мою́ хлéбом разумным, óтче Никóлае, ты заступника́ блага́ стяжавшаго.

Тя вели́кое со́лнце, на высотé лежа́щее при́сно Цéркве Христовы, преподóбне па́стырю, вéрно мо́лим ты: светонóсными блиста́ньми свéта глубóкую тьму отжени́ грехá душ на́ших.

Слава: Прибл́жися, я́коже пишется, день стра́шный пришéствия Христо́ва. Подви́гнися, душе́, отри́ни лéность и усéрдно Христу́ возопи́й: спаси́ мя, Гóсподи, Никола́я Твоего́ молéнием.

И ныне, *Богородичен:* Свéтел Ты свéщник проро́к провидя́ше, Пречи́стая, свéту разумную, нося́щую Христа́, Имже просвети́хомся, и́же во тьме лежа́щая и страсте́х, Ты ублажа́ем, Богорóдице Приснодéво.

Моли́ Бóга о нас, святителю́ óтче Никóлае, я́ко мы усéрдно к тебé прибега́ем, скóрому помóщнику и моли́твеннику о душа́х на́ших.

*Окончание канона см. 14 - Окончание канонов.doc*